



Inatsisartunut ilaasortaq Jens Immanuel, Siumut INDGÅET  
-/MAANI

17 FEB. 2014

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Sinerissap qanittuani qaleralinniarnissamut akuersissutinut tunngatillugu § 37-029-2014-imut akissut.**

13. februar 2014  
Suliap normua 2014-095688  
All. Nr. 1477234

Inatsisartut Suleriaasianni § 37, imm. 1 naapertorlugu sinerissap qanittuani qaleralinniarnissamut akuersissutit pillugit apeqquaqarputit. Apeqquq uannut akisassanngortinneqarsimavoq.

Postboks 269  
3900 Nuuk  
Oqarasuaat (+299) 34 50 00  
Allak. (+299) 34 63 55  
E-mail: apnn@nanoq.gl  
www.naalakkersuisut.gl

**Apeqquq 1**

*"Sinerissamut qanittumut qaleralinniarnermut akuersissutinik 2012-miilli piiaaffigineqarsimasut unioqqutitsinikkut akuersissutit pigisatik annaasimavaat?"*

**Apeqquq 1-imut akissut**

Inuussutissarsiutigalugu qaleralinniarnissamut akuersissutinik tunniussinissamut piumasagaatit arlalitsigut allanngortinneqarsimapput. Aalisarsinnaanermut akuersissutit pisassiissutillu pillugit nalunaarummi nr. 1, 2. februar 2012-meersumi aalajangersakkat nutaat tamatumunnga pissutaapput. Inuussutissarsiutigalugu qaleralinniarnissamut akuersissutit ilaatigut tunniunneqassapput piumasagaatit ataani pineqartut naammassineqarsimappata:

1. Qinnuteqartoq ukiup siuliani akuersissummik assingusumik tunineqarsimassaaq.
2. Qinnuteqartullu akuersissut atorsimassallugu.

Piumasagaammut kingullermut tunngatillugu Ombudsmandip qaleralinniarnissamut akuersissutinik tunniussisimanermik naammagittaalliuuteqartoqarnerata nassataanik naalakkersuisoqarfiup sullissisimaneranik misissuinermit atatillugu oqaatigaa:

"§ 4, imm. 2-mi aalajangersakkakkut taamaallaat kalaallit piujuartitsinissamik tunngaveqarlutik aalisarnissaat qulakkeerneqassanngilaq. Taamaattoq aalajangersakkakkut qinnuteqaateqartup inuussutissarsiornissamut periarfissaanut toqqaannartumik akuliuttoqarpoq, aalajangersakkammi pissusiviusutigut qaleralinniarnermik suliaqarnissaq ajornarsisimmagu, tassa ukiumi siuliani qaleralinnarsimangikkaanni. Taamaammat nalunaarut nr. 1, 2. februar 2012-meersumi § 4, imm. 2-mi aalajangersagaq aalisarneq pillugu inatsimmi § 10-kkut siunertaasut avataanniippoq.

Taamaammat qularnartoqartippara aalisarneq pillugu inatsimmi § 10 tunngaviliisinaanersoq<sup>1</sup>. Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaanni nr. 1, 2. februar 2012-meersumi § 4, imm. 2-mi aalajangersakkanut tunngasoq."

<sup>1</sup> "Tassani innersuussutigimmagu "innuttaasut inuussutissarsiutigut periarfissaannut akuliunermi killilersuinermiluunniit inatsisitigut piumasagaatit sukaterneqarnerat"

Tassa aqutsinermi inatsisinik unioqutitsisoqarsimanersoq Ombudsmandip oqaatiginnaanngilaa. Tassunga ilassutitut paasissutissiissutigineqassaaq, Ombudsmandip oqaaseqaataanik nalilersuineq, tassunga ilanngullugu Aalisarsinnaanermut akuersissutit pisassiissutillu pillugit nalunaarutip nr. 1, 2. februar 2012-imeersup allanngortinneqarnissaanik pisariaqartitsineq naalakkersuisoqarfimmit suliarineqarmat.

## **Apeqquut 2**

*"Akuersissutininik pigisaminnik pissarsinissaanut qanoq periarfissinneqarniarpat?"*

### **Apeqquut 2-mut akissut.**

Aalisarsinnaanermut akuersissutit pisassiissutillu pillugit nalunaarut nr. 1, 2. februar 2012-imeersoq allanngortinneqassappat, aalisartut malittarisassat atuuttuut aallaavigalugit itigartinneqarsimasut akuersissutininik nutaanik pissarsinissamut qinnuteqarnissamut periarfissaqalissapput.

Inussiarnersumik inuulluaqqusilluta

Finn Karlsen